



手五采以杖



服部文庫
117
1454



千里君行狀

特

117
1454

先考千里君行狀

先考諱某字千里號習翁幼稱三五郎二十歲
 改稱金七郎七十歲又改稱七五衛門其先
 越人也南總夷瀋縣岩熊邨瓜谷有宇佐美氏
 家本秋場氏秋場氏有一女女幼父母歿筑紫
 在疾同縣谷上郎宇佐美氏之子來妻其女而
 主其家稱八左衛門始因其家氏後復宇佐美
 氏是為岩熊宇佐美氏祖先考四世祖也相傳
 天正中北越上杉謙信老臣宇佐美定行之族

來家於谷上邨邨人服其武勇而從之又有豪
家峯島氏自是谷上邨有宇峯二黨矣當時總
地豪英碯峠無統一有屬別之里見氏有屬相
之北條氏有屬甲之武由氏譜家之臣屬攻戰
弗已勝敗無常宇峯二氏無所屬矣有請援者
往助之其稱定行之族者稽之古記北越之上
田城主長尾政景謙信妹婿也剛勇絕倫嘗
甲之武田信玄戰地藏嶺破其五隊殺隊將小
山田備中謙信壯之使與定行守信州野尻城

以備信玄後謙信恐政景強悍兵盛生變欲殺
之永祿七年五月五日召定行密告之定行者
稱駿河守宇佐美祐茂十二世孫祐孝二子
男道盛次男孝忠孝忠即定行父也定行自謙
信少時輔佐之平定北越謙信倚賴故告定行
諫曰政景同族妹婿且無討罪地而擊之見詆
於天下且若上由叛為甲不易易也流涕切至
再三諫不聽定行曰若不從臣言竊有一計干
戈不動上田不叛世不知所為而必殺政景矣

辭歸過采邑栢崎琵琶城六月末至野鹿城城下有辯天湖湖上多漁人定行泛舟網魚掘政景同載舟底已鑿塞之中流發之水湧舟沈二家從者皆溺定行拘政景共死定行歲七十六政景三十九時七月五日也定行遺書謙信曰君欲誅政景無名不義也諫之不聽為君耻傳臭千載且恐上田兵起今誘政景湖中殺之罪於身君速使使上田養政景子景勝為子收琵琶城放賤息務行如此君無患矣謙信雖感

懷定行忠烈無比既從遺書子景勝故收琵琶城而放勝行以故上田不叛此時其族流離來于總也時世久遠名稱不可得而知焉八左門有二男三女長子嗣又稱八左衛門及老改稱雅樂助有三男二女長子嗣又稱八左衛門有四男二女長子嗣又稱八左衛門及老改稱內匠有長女二男養同邨中邨氏弟為嗣以長女配之嗣子又稱八左衛門後改稱內匠次男出為同縣檀澤邨石野氏嗣稱長右衛門次男

卽先考也。先考嘗諸子曰先人永昌君正保四年生十五歲喪父有弟妹五人長妹嫁同縣深谷邨大曾祖氏次妹嫁御宿邨神定氏次第爲長者里金繩氏嗣稱吉右衛門次第折煙長者里稱安兵衛次第爲僧名了詮五人皆先人所鞠養也裝送資賄買田宅費亦皆先人所辦也其用莫大苦辛備至至二弟遊板家道不振求假不稱而自償其債數矣弟妹之子女嫁娶財賄亦助其費支愛甚篤恩侔又世先人英偉超

群隣鄉有爭訟多來謀可否先人居間則止有寬坐死或沒收者皆不顧身造官爭之得平反者數矣其人皆感戴戴稱有二天其謀事忠而有益于人多矣以其才有餘不能無技癢不欲碌碌安居屬家事子弟或服賈於東都或請官爲鄉隣興利豪傑相與皆受其指令先人能駕馭英俊南總人物無出其右者余少時懶惰不備記其事爲遺憾矣元祿四年別築室長谷里居之爲余開業余時十四歲從先人徙焉爾來修

業臻于今得庇家人奴婢余始籍於此里秋豪
皆先人力也雖本宗在岩熊祭享不息此家嘗
以先人爲祖不可以余爲始矣因母者布施邨
水上氏之女延寶八年九月四日歿年二十九
時余二歲也聞之故老其爲人也柔而正以家
世爲邨長所管百姓來往數矣因母言過之無
失鄉里敬愛之繼母者鳧嶺邨富豪石野氏之
女始嫁萬騎邨社長夫死而寡居於父家夜盜
數十人入家殺傷父兄家僮皆畏匿女氏時歲

二十九操眉尖刀出死力與盜接盜辟易退避
然一人無如衆何傷頸鬢與右腕而倒鄉隣稱
女氏烈嘖嘖弗已先人聞而聘焉有才幹能勤
家事甚理我兄弟皆賴繼母之撫育繼母最
余以故就養於余汝等又生長於膝下元文四
年五月二十七日歿年九十二歲此汝等所知
也祖先生卒履歷子孫當記而不忘矣余作家
譜天正以來世世住此土高祖父之後分析嫁
娶親戚頗多皆載于此時時覽之以追遠睦親

戚且我父母固已無憂焉、吾畏辱父母不敢爲
非、汝等整齊家事、恭敬以接人、慎勿傲惰矣、先
考慈仁恭敬、愷悌雅量、節儉自施、氣義慷慨、多
才藝、精力過絕人、不嗜酒、不喫煙、幼時入川能
游泳、好舟舫、永昌君林宗之使歸、岩熊與奴婢雜
作農事、南總僻陋、無良師友、稍長好蹴鞠、圍
諸戲、鄉黨儕輩所爲、兼綜善之、善刀者淺井勳
助從東都來、先考與里少年學之、門下爲最、又
能和歌、師東都冢元啓、元啓歿、學於堀幸端、

而大瀧侯大夫固田高矩、岩西邨脩驗雄、元川
谷里處士依田明教、行川邨釋旨歸等、皆以和
歌爲友、諸子歿、歸然獨存、尚樂之、終身有和歌
數千首、自選四百餘首、其餘棄而不錄、錄御邑外
佛寺、所朝夕淄徒耳、遂好佛理、而信其道、常悼
蚤失母、又見父尚健、聽僧數唱存者壽樂、亡者
離苦、又吾邦信佛者、巡六十六州藏法華經一
部、各州一名寺、稱之六十六部矣、二十八歲起
意欲倣之、請永昌君許之、遂與同好藤江氏謀、

寶永二年三月二十八日、二人負笈辭家、直趨東都治行裝、巡武藏下總常陸、經陸奥、出羽、到越後、之出雲崎、候有便船、度佐渡島、又還越後、到信濃善尤寺、又還越後、經越中、出飛彈、又還越中、歷能登、~~如~~賀越前、近江入京師、九月二十三日也、留京師十餘日、歷觀寺社景勝、巡山、出大和、經河內和泉、又還大和、巡紀伊、出伊勢志摩、還過伊勢伊賀、道近江、又入京師、十二月三日也、避寒、慰勞、滯留迎春、待鄉信矣、永昌君

使家奴到京師、報問平安、三年正月二十日、發京師、出丹波、巡攝津、到播摩之赤石、揚帆度淡路島、巡阿波土佐伊豫讚岐四州、歸路歷阿波淡路、又到赤石、自初揚帆至于此、行程三百十三里、經日六十八日、四月七日也、巡播摩、歷美作、備前、備中、備後、安藝、周防、到長門之下關、五月十八日、自下關發船、到豐前之小倉、歷豐後、肥後、日向、大隅、薩摩、又出肥後、到肥前之長崎、留十六日、七月二十八日、發長崎、到筑後、又

出胞前、又入筑後、經筑前、還小倉、八月八日也、
巡九州、行程三百十八里、經日凡八十六日、又
還下關、巡長門、石見、出雲、伯耆、因幡、但馬、丹後、
若狹、又出近江、還京師、九月二十六日也、留京
師數十日、以慰其勞也、此時永昌君手書到、告
秋來病疽、於是獨身發京師、歷近江、美濃、尾張、
三河、遠江、駿河、甲斐、伊豆、相模、到東都、遇鄉人
聞親病苦甚、兼行歸鄉、十一月二十三日、夜分
也、永昌君大喜曰、我知病不起、死生有命、唯待

汝歸來、當歸本色、靜居養病、以終天命、遂發長
者里、携妻子歸岩熊邨、先考侍病、日夜不懈、萬
道終無驗、十二月十九日、歿、春秋六十、葬岩熊
宅北觀行院域、先塋之側、先考居喪、不勝悲哀、
且曰、吾巡諸州、主為父母祈請焉、世有遇喪為
親巡佛寺、吾從之、既巡諸州、今缺四五、當終之
四年正月十日、復與藤江氏負笈出、巡安房上
總、踏下總、武藏、到上野、下野、歸、二月晦日也、諸
州中唯隱岐島遠而不能到、亡論壹岐對馬、於

是六十五州、足跡遍至、行程九三千餘里、因本
邦以二千百六十步爲一里也、此行也、非今之
乞丐巡州之比、共齎行費、不須人扶、且兼探討
名勝、若遇佳士、以和歌諸藝相應、旅中始末、有
日錄數卷矣、初南總人不知舉拮楫、汲井用力
掙掙然、先考巡諸州見之、歸而教鄉里、人人以
爲便、自是總中始有拮楫焉、後讀莊子笑而曰、
漢陰丈人應復罪吾矣、餘事雖有教之、土人情
而安故、不能爲之、先考年三十、始躬家政、守父

遺業、家業釀酒、而有田百畝、又爲官收海租、先
考嘗曰、業雖卑、人何地不可爲惠哉、有海上無
魚而漁戶困弊、則紆租期、或助之資、漁戶失業
而復起者多矣、沿海稱德弗已、貧民受田耕者、
薄歛之、不爲侵削、釀酒一任醞匠、未嘗入酒庫、
總會計而已、先考善爲產業、不如世之吝嗇、自
爲不恤人之貧窮、知與之爲取、立人而已、立財
貨不悖入、故雖不尤富而不至匱乏、五年五月、
建小庵於後園、安佛像、設祖先神位、號寶聚園、

以法華經有天下妙寶聚語也、朝暮拜祖先、禮佛、誦法華、餘暇常在此、讀書作和歌、以爲娛、年五十已後、書寫法華一部、藏息嶺^邨清水寺、又時時以紺紙金泥書寫法華齋戒沐浴、每字三拜、凡二部、一藏榎澤邨大惠寺、一藏布施邨泉福寺、兒孫甥姪、有久病不愈者、爲書法華一品、藏各寺、以祈請、亦如紺紙之例、凡十九品、父母親戚故舊、死爲誦法華、凡千九百四十八遍、稱題目六萬餘遍、雖勤功至、與人語不言及之、歿後

視鬼簿、背記之、家人始得知之、先考又好儒書、少時無師授、得附國字本自讀之、讀有國字解書而解之、穉得涉諸書、嘗曰、余雖好佛、此世外事也、儒者之道、今日之事也、人不可一日離之、不學不知道、督課諸子、自授句讀、旦夕不怠、有識字者、使子姪就學、惠年甫十七、謂惠曰、家督守業、不可遠遊、汝次子也、能出學乎、對曰、唯於是求師、物子母南總長柄縣帆丘邨島井氏女也、其妹爲榎澤邨石野氏妻、其女爲惠之伯母、

於物子爲姨妹、伯父上冒石野氏稱長右衛門者也、而物子兄春竹翁業醫、居帆丘、先考因使兄子又稱長右衛門者、與春竹翁爲紹介於物子、使惠師事物子於東都、惠居護國三年、物子歿、淹留與社友講習、凡六年而歸、遊學之費、皆先考所辦也、先考問學所至、惠雖無所得、以一二所聞對、先考素所觀、皆性理家書、大驚怪、惠所爲、恚^上物子及同社所著書若干卷、先考覽而稍稍會其意、歎而曰、有是哉、大異於世所

學、汝得所事矣、我老矣、不能究其學、時時讀而消間耳、汝勉之哉、吾如已有之、南總之東海無大津港、泊船、奧羽之漕粟向于東都、經總海、遇颶沈沒、不可勝數、萬姓之力、一時頓空、船夫多溺死、先考不能忍見、大東山突出於海、其西爲泉浦、瀦水流入于海處也、瀦水發源總之南邊、過夷瀦縣、紆曲數十里、總中之大川也、先考謂海口闢港、引舟瀦水、可容海舶數千、而無風濤之患矣、是國家之利也、且居民多利賴、不可默

止遂聞之官官使吏巡視事不成云所居長者里三分曰井鄉之一一鄉三邨各有長長者里後析爲通商地一月六爲市遠近聚會貿易而退居人頗高二邨如之曰初闢長者里爲本邨興利也今而後貨穀運致本邨之馬馱畢而使它馬馱邑宰以爲然載之市法它馬到者二邨人止之不得運立於市者不便市稍衰廢於是里人失業訟始興矣邑宰暗昧尚與二邨械里有口者考訊欲得黨魁而罪之又將徧考里人

里中恟恟不知所爲先考視之奮曰里中目前之急非我救之而誰邪我雖老不可坐視遂投訟狀於邑宰曰訟事皆我所爲也無它一里之塗炭不忍見耳曲直唯在我曲則甘罪不煩考里中吏不能對之於是考止三邨訟東都邑主邸先考率里中幹事者至于邸具陳明白得平反而歸遠近復聚會貿易如舊里中復業先考之力也此訟經數年費用頗多先考所自用不煩里中先考曰吾豈好訟者哉吾不得已也然

人不察其實、必將比吾世好事者、於是具訟始末、以爲數卷、披之歷歷、如昨之掌矣。先考善書、扁額招牌、有請書者不拒、喜而應之。讀書必抄、至老不倦、手澤抄本、盈于數篋。家事履歷、里中故事、及隣鄉親朋豪家系屬事實、知而記之。其家子弟或不及知矣。作家戒訓諸子及命身後事、皆井井有條。理好施與、救恤貧困、臨財無一毫之吝、絕口不言德。生平好客、客至無虛日、厨下儲肴、款咄嗟卽辦。煬者時時罷倦、稱無一吹

雨

煙之頃、事繼母孝、定省不急、不違其志。膳食浴具、雖有侍婢、時自執之。接人謙下、敬禮備足。里人子弟雖卑、必端坐相對、不有愠色。行里中、短屐齒、蒼之年及七十、子姪相謀爲壽、先考曰、犬馬之齒、何足以賀、人其謂我何、皆不可。東都餘子綽作序、服子遷、平子彬、竊士寧、高子式、西仲英、田夷、長松君修諸君子寄詩、堀幸端及其門人寄和歌賀之。鄉里子弟會集、開筵賦詩、先考賦和歌數首答謝。壽八十時、餘子綽又作頌、參

之吉田侯源公信復奧之泉侯滕公忠如武之
久岐侯滕公政基佐伯扶搖公子岡崎大夫源
君義元及諸士岡邸源佐極等賦詩寄賀鄉里
子弟滿堂歡娛先考又以和歌答謝先考大耋
尚健夏夜寫經宿寶聚園子姪進帳防蚊却之
曰我不厭蚊蚊不食我矣夙興洗面不爲用湯
嚴冬敲冰取水矣終身不杖人有進杖戲曰如
今壯者余何倚之爲平日好鋤園植蔬暑時不
戴笠而耘兒孫請代其勞不肯曰我以此爲樂

汝等不得與焉到親戚故舊家雖路程數里雨
雪泥濘不騎馬乘轎著屐而行世人相見先以
寒溫爲辭無聞先考道之者能愛育人人無
不信服者相謂曰世有有壽而無德者有有德
而無壽者壽德兼有者字翁在焉鄉人品題人
物於先考則置而不論曰無以尚焉其爲鄉人
所敬尊如此東都倉美仲寄食五年衣服飲食
雖不極美厚意接待撫養周旋美仲熟知平生
語人曰惜哉以夫材德與精力而終南總僻陋


之地也。若使爲東都^幕下士，所謂佩紫取青如
俯拾地芥者，豈足^難哉。而德之所暨廣矣。叙先
考事跡，作宅翁二事狀。八十四歲夏，覺體氣^不
佳，旣復，至冬寒尤甚，又不佳，自以爲壽不得久。
明年二月朔，謁管廟，廟在里之西，爲里之鎮。還
過存里中家，家人怪異常矣。平日好圍棊，一日
大會里中與戲者，圍棊或歌國風，具酒肴以歡
娛。又故交在隣鄉者，招而話舊，有患目請醫，旣
復而謝曰：死期在近，何瘳。日爲又謂病革，服^藥唯

延一息耳。其際苦甚，然世人率不能忍，藥中混
入令病者不覺矣。我平日願欲臨終勿亂矣，一
切不服藥。二日入寶聚園，拜祖先，禮佛，誦
法華。移時，懇懇爲訣，出戶踉蹌。孫女壻藤江某
扶而歸寢，尚能談論笑語。家人未知，憊甚。次日
昏暮，孫時敏來告親友，明日來會。時時敏有會
親友於其它事，怠而不果。先考促之故也。先考
曰：吾命在頃刻，汝不及，向督汝爲是故也。其夜
問曉明數矣，家人皆侍病在側。開窻告東方旣

明先考開目一見合掌瞑而歿時寶曆十二年
二月二十八日也距生延寶六年十二月二十
九日八十五歲歿後得臨終和歌四首於寶聚
園几上遺言贈甲之身延山久遠寺住持日辰
師中有言引道意者辰師嘗在總情歎故也先
考豫命家僕作棺里中片岡關二氏常來侍生
生前有約束勤斂事矣先考德化于一州遠近
來弔者不容家庭里中數百家皆自廢家事來
助喪事葬日遠近知與不知會者凡五六千人

街巷填溢州之送葬雖故老未聞衆多如此矣
墓里東南地藏院域繼母墓側配長柄縣中原
邨吉野右京亮女也生八子長男寬次男三歲
死次男生四五日死次男惠次男九歲死次男
孝次女名瀧爲瓜谷金三配先歿次男讓寬有
三女皆出嫁以末弟讓爲嗣子姪會議欲請能
文之士銘碑于不朽使惠叙行事謹狀

字惠撰



公射立則。孟其。公弗信。姜請立。
 孟姜也。流姜。禮請。其。公弗信。姜請立。
 則。姜也。子姑。禮立之。為天子。孟請。公。
 讓主。各華。公。越惡之。子。惡。其。身。愛。其。妹。
 也。姜。因。而。鐵。主。姑。驚。姜。為。讓。而。驚。姑。各。曰。
 同。射。射。驚。而。惡。之。史。時。云。讓。主。也。鐵。喜。
 其。妹。如。姜。如。子。共。音。恭。不。同。華。公。讓。主。
 于。申。曰。流。姜。姜。申。故。夫。益。主。華。公。為。姜。文。

